

東坡先生全集卷之四十二

口宣

賜大遼賀興龍節人使瀛洲回程御筵口宣元祐二年

十二月二日

有敕卿等已脩舊好復改北轅雖候館之少休眷歸途之尚邈往頒燕俎以示至懷

相州賜大遼賀興龍節使副御筵口宣元祐二年

十二月四日

有敕卿等犯寒遠道弭節近邦少休夙駕之勞式示加邊之惠服我寵數以增使華



夏均全集卷之四十一
相州賜大遼賀興龍節使副却回御筵口宣

元祐二年十

二月四日

有敕卿等聘事告成還車言邁改轅北道弭節近
邦眷言行役之勞宜有燕私之寵

賜大遼賀興龍節人使射弓例物口宣

元祐
二年

十二月
六日

有敕卿等懷四方之志挾五善之能終日射侯於
是觀禮宜申寵錫以佐賓歡

班荆館賜大遼賀興龍節人使回程御筵口

宣

元祐二年十
二月六日

有敕卿等已事言旋改轅茲始冒寒遠涉軫念良
深少憇近郊復陳燕豆

賜諸路臣寮春季銀鞵兼撫問口宣

元祐二年十一月十二日

月八日

有敕卿等各竭乃心久勞于外屬此寒凝之候永
惟綏馭之勲式示眷存往加勞問

撫問知大名府馮京口宣

有敕卿以元老卧護北門寬我顧憂想勞綏御屬
茲寒沍益務保頤

賜大遼賀興龍節人使朝辭歸驛酒果口宣

元祐二年十一月十日

有敕卿等已事言旋指期夙駕歲寒遠道良用軫懷宜有寵頒以旌勤瘁

賜大遼賀興龍節人使班荆館却回酒果口

宣元祐二年十一月十日

有敕卿等聘事已成征驂言邁往餞於館以華其歸仍有寵頒式昭厚眷

班荆館賜大遼賀正旦人使到闕酒果口宣

元祐二年十一月十日

有敕卿等遠脩鄰好來會歲元久涉道塗少休郊

館宜頒芳旨以勞驂駢

就驛賜大遼賀興龍節人使宴口宣

元祐二年十二月十二

月十一日

有敕佳辰紀慶聘事告成申敕臣鄰往就舍館同
茲衍樂服我惠慈

就驛賜大遼賀興龍節人使宴花酒果口宣

元祐二年十二月十一日

有敕卿等遠勤使傳來慶誕辰臨遣重臣往頒燕
俎仍加寵錫以示至懷

賜大遼賀正旦使副銀鈔鑼等口宣

元祐二年十二月十二

月十一日

有敕卿等通兩國之權不遠千里驅一乘之傳來

慶三朝宜有寵頒以昭異眷

相州賜大遼賀正旦人使却回御筵口宣元祐

二年十一月十四日

有敕卿等復理歸鞍少休輔郡念北轅之首路犯西陸之餘寒徃致息勤宜留燕衍

賜大遼賀正旦人使却回雄州御筵口宣元祐

二年十一月十四日

有敕卿等遠勤郵傳冒涉冰霜眷言徃復之勞已

次封圻之上宜頒嘉燕以示至懷

賜大遼賀興龍節使副鈔鑼等口宣

元祐二年十二月十二

月十八日

有敕卿等解驂授館方講於鄰歡遣使勞來宜敦於主禮往加優錫以示眷懷

賜大遼正旦人使生餼口宣

元祐二年十二月二十四日

有敕卿等郵傳遠勤舍館既定宜敦主禮以犒馭徒往錫餼牽少紆勞瘁

送伴正旦使副沿路與賀北朝生辰并正旦

使副相逢傳宣撫問口宣

元祐二年十二月二十五日

東坡全集卷之四十二
有敕卿等銜命出使徂冬涉春適寒苦之倍常知
勤勞之加舊勉驅郵傳來造會朝

賜大遼賀正旦入賀畢使副就驛酒果口宣

元祐二年十一月二十六日

有敕卿等既覲闕庭少安館舍宜行慶賜以樂春
朝徃致甘芳式華觴豆

賜大遼賀正旦入賀畢使副就驛御筵口宣

元祐二年十一月二十六日

有敕卿等遠抗使旃來陳慶幣眷東風之協應喜
上日之同歡宜就驛亭徃頒燕豆

賜大遼賀正旦使副前一日內中酒果口宣

元祐二年十一月二十七

日

有敕方興嗣歲既餞餘寒喜鄰好之篤脩念使華之少駐式頒珍異以示眷懷

賜大遼賀正旦却回班荆館御筵口宣

元祐二年

十一月二十七日

有敕卿等聘事既成歸途方啓言念改轅之始少留張飲之歡往推恩懃下及徒馭

賜大遼賀正旦朝辭訖歸驛御筵口宣

元祐二年

十一月二十七日

東坡全集卷之四十二
有敕卿等寓館久勤趨庭告去不假壺觴之樂曷
爲徒馭之華服我恩私少留宴衍

賜大遼賀正旦朝辭訖歸驛御筵酒果口宣

元祐二年十一月

月二十八日

有敕卿等聘事告成歸車夙駕屬此寒凝之末眷
言徃返之勤錫此珍芳以將寵遇

賜大遼賀興龍節人使雄州回程御筵口宣

元祐二年十一月

月二十八日

有敕卿等聘事旣成歸途尚邈屬此冰霜之候眷
言來徃之勤宜錫燕私少紓行役

賜大遼賀正旦使副春幡勝口宣

元祐二年十二月二日

十九日

有敕剪刻之工風俗惟舊眷皇華之在館屬春陽之肇新宜有分頒以增賁飾

賜大遼賀正旦使副射弓例物口宣

元祐二年十二月二十九日

有敕卿等出遊禁籞觀藝射侯弓矢既均禮儀卒度宜加寵錫以侑燕歡

瀛洲賜大遼賀正旦人使回程御筵口宣

元祐

三年正月五日

有敕卿等來修舊好遠冒初寒涉歷冬春服勤郵
傳示頒嘉燕以荅久勞

賜宰相呂公著上第二表乞致仕不允批荅

口宣

元祐三年三月二十九日

有敕朕以冲眇垂拱仰成卿以耆老圖任共政無
故而去於義未安

賜宰相呂公著乞致仕不允斷來章批荅口

宣

元祐三年四月一日

有敕卿望重縉紳義均休戚如左右手可須臾離
雖屢形於懇詞必難移於朕意

閣門賜新除守司空同平章軍國事呂公著

誥口宣元祐三年四月七日

有敕卿正位三公具瞻多士式資坐論以副仰成

體朕眷懷服此明命

閣門賜新除宰相呂大防范純仁誥口宣元祐三年四月七日

三年四月七日

有敕朕稽參衆庶登用俊良並建宰司同陞揆路

祇承明命仰副眷懷

賜新除尚書左僕射呂大防尚書右僕射范

純仁辭免恩命不允批荅口宣元祐三年四月十一日

東坡全集卷之四十二
有敕卿望重縉紳才兼文武弼亮之選中外同然
母或固辭以稱朕意

賜呂公著辭息命上第二表不允斷來章批

荅口宣

元祐三年四月十三日

有敕卿以全德式符具瞻宜與師臣共爲民表欽
承明命佇聽嘉謨

賜范純仁呂大防辭息命上第二表不允斷

來章批荅口宣

元祐三年四月十三日

有敕卿以宏材久與大政擢升宰輔實慰具瞻宜
速拜嘉毋煩謙避

賜新除門下侍郎孫固辭免息命不允斷來

章批荅口宣

元祐三年四月十四日

有敕卿金華元老西樞舊臣與政東臺實慰輿議
祇膺成命母復固辭

賜劉摯辭免息命不允斷來章批荅口宣

元祐

三年四月十四日

有敕稽參衆言菽自朕志西臺之貳無以逾卿亟
踐厥官母煩固避

賜王存辭免息命不允斷來章批荅口宣

元祐

三年四月十四日

東坡全集卷之四十二
有敕卿純忠許國雅望在人官以次升義無足避
其承休寵以副眷懷

賜胡宗愈辭免恩命不允斷來章批荅口宣

元祐三年四月

月十四日

有敕卿雅望在人純忠許國既以彙進胡爲力辭
宜體至懷卽膺成命

賜趙瞻辭免恩命不允斷來章批荅口宣
元祐

三年四月
十四日

有敕朝廷用人議論先定不次之舉非卿孰宜亟
服休息毋煩固避

賜河北兩路諸軍秋季銀鞋兼傳宣撫問臣

寮將校口宣

元祐三年四月十八日

有敕卿等憂寄之深疆事靡盬眷言勞勩想各平寧體我至懷受茲時賜

宣詔許內翰入院口宣

元祐三年四月十九日

有敕卿拔自循良老於文學禁林之命儒者所榮往祗厥司以究所蘊

白溝驛賜大遼賀坤成節人使御筵兼傳宣

撫問口宣

元祐三年四月二十二日

有敕卿等遠涉暑途來陳慶幣眷言徒御久犯風